

Bulitinu Informativu

COMUNICATU

Duruts shi tinjisits Armânji,

Avemu haraua s-vã dãmu unã hãbari di mari simasii trã Armãnami: tu 17-li di Alunaru 2008 fu-nyrãpsitu la giudico, Tirana, Arbinishie – **CONSILLU ARMÃNJILORU** – organizatsiuni nigubernamentalã.

Diligatslji pitricuts di la farili armãneshtsã di Rumãнии, Vãryãrii, R.Makidunia (FYROM), Arbinushie shi Diaspora, loarã apofasea deadunu s-bagã thimeljilu a Consillui Armânjloru (CA), lucru cari s-featsi tu meslu Sumedru 2005.

Tuts, cu idyia vreaki shi shteari cã himu unu populu, aleapsirã Moscopoli scamnu a Consillui, a Armãnamiljei – locu-simbolu di isturie armãneascã shi evropeanã.

Dupu muabetsli tsi s-featsirã la 2005, Moscopoli shi la 2007, Disentis, tu Helvetii, s-amintã pricãnushtearea giuridicã a Consilui Armânjlor.

Di la 2005 pãnã la 2008, CA avu unu kiro interimaru. Ti aestu kiro, Prezidentã a Consillui fu aleaptã **Dr. Mariana Bara** cari coordinã cu miraki shi shteari tutu lucrulu a consilui. Trã copuslu shi curbanea tsi u featsi, trã lucrulu a ljei tu dumenea di shtiintsã, sutsatili ditu consilu ãlj haristusescu shi ashteaptã ta s-nu s-curmã di la aestu lucru.

Anamisa di **24-li shi 26-li di Sumedru 2008** s-featsirã Curceauã / Moscopoli nali alidzeri trã cumãndãsearea a Consillui. Prezidentu fu aleptu **Yiani Mantsu** shi Grãmãticu Gheneralu, **Nikulaki Caracota**. Vitseprezidentsãlji sh grãmãtitlji, cãti unu ditu cathi statu, armasirã atselji aleptsã aoa sh trei anji cãndu s-ari bãgatã thimeljlu a Consillui. Adunarea Ghenerala a Consillui apufusi programa di lucru sh bugetlu ti anlu 2009.

Cu furnjia a alidzeriloru nali di Curceauã (24-26-li di Sumedru 2008) s-vidzu cã criscu multu sinferlu a sutsatiloru armãneshtsã tra s-intrã tu consilu. La aestã ditu soni Adunari Gheneralã a Consillui Armãnjloru di Curceauã furã apruceati ca membri nica 4 sutsati. Avemu nãdia cã, nu dupu multu kiro, va s-adunã tuti sutsatili cari suntu sinfuni cu statutlu. **Mashi tuts deadunu va s-putemu s-avemu putearea tra s-lucrãmu shi s-amintãmu andrepturli ti fara a noastã.**

Scupadzliji a Consillui Armãnjloru suntu numãsits tu Cap. III ditu Statutu. Mansusu di tuti, CA ari ca scupo s-amintã pricãnushtearea Armãnjloru, tu cathi cratu ditu Balcanu, ca populu ahoryea, reghionalu, cari zburashti unã limbã neolatina di pisti 2000 di anji shi cari sh-tsãnu adetsli di njilji di anji, ditu Makidunia Anticã shi pãnã adzã.

Consillu Armãnjloru va s-andrupascã tuti cãftãrli a sutsatilor trã amintarea a statutlui di “minoritati natsionalã” icã di “populu constitutivu” (dupu catandisea ditu cathi cratu), ashì cumu easti spusu tu nomurli evropeani shi va s-lucreadzã trã tinjisearea a-ndrepturilor cari suntu tricuti tu statutu.


Consillu Armãnjloru easti atselu organismu armãnescu cari va s-hibã boatsea a sutsatilor cari suntu membri tu elu, la organismi reghionali, natsionali (di cratu) shi internatsionali. Tu aestã tesi, elu ari-ndreptul ca, tu numa a sutsatilor, la cãftarea a loru, s-lja meatri, s-aflã cãljiuri di lucru/muabeti cu organismili reghionali, natsionali, internatsionali.

Scupolu ti cari s-bãgã thimejlju a Consillui Armãnjloru easti coordinarea a lucurlui deadunu anamisa di sutsatili armãneshtsã trã ankirdãsearea atsiloru facti cari s-agiutã la vigljearea sh developarea a limbãljei, adetsloru sh-a axiiloru culturali armãneshtsã.

Consillu ari scupolu s-apãrã sinferlu a Armãnjloru di iutsido, fãrã dheafurauã di mindueari politicã, atumtsea cãndu sinferurili-a loru suntu aguditi/nitinjisiti icã s-aflã tu piricljju.

Ashi cumu sã spuni tu Statutu, Consillu Armãnjloru, ahãtu cãtu va-lj sta tu puteari, ari scupo nu mashi s-coordineadzã ligãturili anamisa di armãnji shi organismili internatsionali ama shi ligãturili anamisa di sutsatili armãneshtsã cari bãneadzã asprãnditi tu ma multi craturi ditu Evropa...

Consillu Armãnjloru va s-caftã statutlu di organismu consultativu (**Participatory status**) la Consillu ali Evropã shi la alti organismi evropeani icã mondiali cari da giueapi tu dumenea a-ndrepturiloru a omlui shi a minoritãtsloru natsionali.



Council of
Armans
(Macedonarmans)

Consillu Armânjloru

(Consillu Makedonarmânjloru)

Head Office: *Moscopoli* / Voskopoje – *Curceaua* / Korce – Po. Box 54, Korce, Albania

Cu harea-a loru di prots evropeanji, Armânjilji furã daima unu liantu anamisa di miletsli cu cari bãnarã, lucrãnda trã amintarea shi developarea a craturiloru natsionali balcanitsi. Putemu s-dzãtsemu cã isturia modernã a Armânjiloru easti isturia a craturiloru natsionali tu cari suntu bãnãtori loiali, tinjisits, ashi cumu furã di daima.

Consillu Armãnjiloru,
Biroulu Executiv
tu 31-li di Sumedru 2008

(Bulitinu Infurmativu Nr. 1)